

Curs de preparaziun al maridè: l'Sorvisc ai Jogn Val Badia mèt a jì n curs de preparaziun al maridè: dal venerdì, ai 19.04.2013 dales 20:00 ala dumènia, ai 21.04.2013 do marèna. Tó pert po 15 copies y l'cost é de 65 € a porsona (curs + 2 marènes). Informaziuns y prenotaziuns al nr. 0474/523070 cina ai 15 de auri.

"Na ròsa por la vita": en Pasca do la Gran Mèssa gnaràl indò venü dan dlìjia ròses por la "Südtiroler Krebsilfe".

"Cero Pasquale": i mituns y mitans dla 3.mesana é invià a gnì en lünesc dl'Edema Santa, ai 25.03.2013 dales 14:30 te local dl Kerygma por arjigné ca la ciandèra da Pasca.

Puzenè la dlìjia: periun chi che po y à bona orentè de gnì en lünesc dl'Edema Santa, ai 25.03.2013 dales 08:00 a puzenè la dlìjia. Plö tert, cun miu tèmp, gnaràla spo inçe lavada.

La Jonèza da Paur de Badia organisèia en Jöbia Santa, ai 28.03.2013 dales 14:00 te Ciasa dles Uniuns n domisdé por stè adüm a depènje üs da Pasca. Düt l'material gnarà metü a desposiziun dala uniun. Düc chi che ó gnì é dèr bel invià.



En mercuri, ai 27.03.2013 complèsc **Gusta Pescollderungg** d'Anvi 94 agn. L'Seniorenclub y düta la Comunità ti aòda sanité, contentèza y benedisciun de Dì.

VANGELE dla Dumènia de Pasca

Jan 20, 1-9

Le pröm dé d'edema, é Maria da Màgdala jüda da doman adora, canch'al é ciàmò scür, fora dala fossa y à odü che la pera é tuta demez dal sepolcher.

Ara é saltada debota da Scimun Pire y dal discepul, a chël che Gejù ti orò bun, y ti à dit: An à tut le Signur fora de sepolcher, y i ne savun nia, olach'an l'à metü. Dailò é Pire y l'ater discepul jüs ia y fora y é rovà fora dal sepolcher; ai é saltà trami deboriada, mo deache l'ater discepul é plü asvelt co Pire, é chël rové por pröm dal sepolcher. Al s'à cufé jö y ite y à odü les fascas de lin ia por tera, mo al n'é nia jü ite. Tratan é inçe rové adalerch Scimun Pire, che ti gnò do, y é jü ite tl sepolcher. Al à odü les fascas de lin ia por tera y la peza dal assoius che é stada söl ce de Gejù; ara n'é nia pro les fascas de lin, mo dlungia, loblrida adöm te n post despartì. Spo é inçe jü ite l'ater discepul, che é rové por pröm dan le sepolcher; al à odü y à cherdü.

Ai ne capì nia ciàmò la Scritöra, che al messà pö ressori dai morc.




Usc dla Cüra **BADIA**

Tel./Fax 0471 839571 - E-Mail: parrocchiabadia@libero.it - www.valbadiaonline.it

Nr. 17

Edema: 24.03. - 31.03.2013

EDEMA SANTA



**Al é gnü metü söla crusc
al é mort y é gnü sopoli
l'terzo dé él ressori**

FUNZIUNS SACRES

24.03. DUMËNIA dal ORÌ dl ANN / C

- 09.00** **Dan Calonia** : Benedisciun dl Orì y prozesciun
S.Mëssa cun letöra dla Pasciun do S.Lüca
- 14.00** Via Crucis (*cun l'cor de dlijia*)
- 15.00** Festa da Bato de na picera müta
- 18.00** †ta Rosina Declara Pizzinini
†ti Guido y Maria Dapunt / †to Armando Bertoldi



25.03. Lünesc dl'Edema Santa - Anunziaziun de S.Maria

- 14:00** Sopoltüra dla defunta Maria Untergassmair Irsara
- 19.30** *Mëssa cun i cresimanó*
†ta Marie Frenademetz - aniv./ †ta Rosa Thaler - aniv.
†ta Oliva Irsara – aniversar / vis y †ti de Čiastel

26.03. Mertesc dl'Edema Santa

- 19.30** Via Crucis (*cun i jogn*) y confesciun por i jogn

27.03. Mercui dl'Edema Santa

- 07.25** †to siur Alfonso Tasser - aniversar
†ta Emma Pescoller – aniv. / †to Milio Valentin – aniv.
†ti Maria y Giarone Adang Grigoletto - aniversar

28.03. JÖBIA SANTA

- 20.00** **Comemoraziun dla Cëna dl Signur**
S.Mëssa y adoraziun

29.03. VËNDRES SANĆ - *Dé de jaiun y astinënza dala čern*

- 15.00** **Comemoraziun dla Mort dl Signur**
cun adoraziun dla Crusc - *Oferta por i püri dl monn!*

30.03. SABEDA SANTA

- 20.00** **Velia da Pasca - Mëssa solena de Ressorenziun**
Benedisciun dl'Ega y renovaziun dl Bato

31.03. FESTA DE PASCA DL SIGNUR - (*orar da d'isté*)

- 09.00** **Mëssa solena de Ressorenziun dl Signur**
Benedisciun dles spëises da Pasca
- 14.00** Öspi da Pasca
- 18.00** †ta Gerda Schulze Irsara
†ti Carlo y Gottfried Dapunt
†to Giovanni Pescollderungg



Dala VITA dla CÜRA

Recordun che la mëssa solena da Pasca sarà bele dales **09:00**.

CONFESCIUNS en preparaziun a PASCA

Dumënia dal Orì: do mëssa grana
17:00 - 17:45 y do mëssa da sëra
20:00 (*por i jogn*)

Mertesc Sanć

Jöbia Santa 17:00 – 18:00 (P.Giampietro)

Vëndres Sanć

08:00 – 10:00 (P.Giampietro)

Sabeda Santa

08:00 – 10:00 (P.Giampietro)

Dum. de Pasca

17:00 – 17:45 (Siur Degan)



VELIA dla JÖBIA SANTA: dales 22:45 vëgnel tignì a Oies la
"Velia da Pasca". Düc é dër bel invià.


MEDITAZIUN dl VËNDRES SANĆ: l'Cor di Èi portarà dant te dlijia
dales 19:30 čianties dla Pasciun cun meditaziun. Toleda pert cun
devoziun.

FESTA dla CREJIMA

Lünesc de Pasca, ai 01.04.2013

**Dales 10:00 mëssa cun l'Vësko Ivo Muser y Confermaziun di
mituns de Badia, La Ila y S.Čiascian.**

• I Crejimanć é invià a gni en lünesc, ai 25.03.2013 dales 18:45 te dlijia olache
siur Degan spligarà l'ritus dla Crejima y spo ala S.Mëssa,



Chësta dumënia, ai 24.03.2013 ciafa l'Sacramënt dl BATO
la picera **Clara** de Luca Irsara y Helene Thaler. Ala picera,
che tolun sö cun ligrëza te nosta Comunità cristiana y a
süa familia les mius audanzas da pert de düc.

Comuniun ai amarà: ala ti vëgn portada en mercui, ai 27.03.2013
dales 10:00 inant.

Condolianzes: düta la Comunità tol pert al dolur di familiars dla
defunta Maria Untergassmair Irsara morta t'eté de 80 agn. Che ala
paises tla pêsc eterna.